

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnnd Beuelch halten soll, was zu anfang eines Kriegs zuerwegen vnnnd zubetrachten sey, Auch vonn ...**

**Fronsberger, Leonhardt**

**[Franckfurt am Main], 1558**

**VD16 F 3129**

Dem Durchleuchtigen Hochgebornen Fürsten vnd Herrn/ Herrn Christoffen/ Hertzogen zu Wirtemberg vnnnd zu Tegkh/ Grafen zu Mumpelgart [et]c. Meinem gnedigen Fürsten vnnnd Herrn.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Dem Durchleuchtigen Hochgebornen Fürsten vnd Herrn/Herrn Christoffen/Herzogen zu Wirtemberg vnd zu Teckh/Gräfen zu Mumpelgart 2c. Meinem gnedigen Fürsten vnd Herrn.



**S**chleuchtiger/ Hochgeborner Fürst/ E. J. G. seyen mein vnderthenige/ gehorsam vnd willige dienst/bereyts fleiß/ zuuor Gnediger Herr. Ich haben die Alten zu müßigen vnd d rüwigen zeiten/sonderlich die ihenigen/so lust vnd freud an vbung gehabt/ihre zeit nimmer in müßiggang verzert/Entweder ihr vbung ist gewesen in Ritterlichen waffen vnd geweißen/eins mit Fechten/Stechen/Thurnieren/Briegen/Kempffen/Jägen/Beysen/Rezen/odder dergleichen/Eins andern mit Haushaltung/Feldtawen/Erli-

cher vbung ist gewesen Studieren/Lesen vnd Bücher schreyben / etwann darumb/das sie sich selbs also inn mühe vnd arbeyt vor dem schänden müßiggang verhüten/oder ihnen vergangne vnd nütze ding zu wissen/sich darnach zu üben/desten heffiger einbildeten/sonderlich auch darumb / das sollich ihr arbeyt vnd fleiß hernachmals jren nachkommen beuorab dem gemeinen nutz zu ehren vnd gutem reichen vnd kommen möcht.

Siweil ich dann auch dieser zeitt mitt sonndern geschäften nicht beladen/vnd damit ich etwas kurtzweil/vnd vbung für mich neme/hat mir dem Vegetio gefallen/Tito Lino/Julio Frontino/vnd andern so zu ihren zeitten vonn Briegßrüstungen vnd Ritterlicher zucht geschriben/nachzuuolgen/nicht darumb das mein meinnung vnd fürhaben/mich ihnen inn dem oder andern zuuergleichen/darzu ich mich gar weder geschickt noch geübt acht/odder ja nur etwas gleich zusein/sonnder inn massen wie dieselbigen zu ihren zeitten die Ritterliche Briegßzucht vbung/vnd damals gebrauchliche Briegßs gewehr/rüstung vnd Instrument(die dann vnsern jetzigen zeitten gar vñänlich) zubeschreyben vnd an tag zugeben fürgenommen.

Also steht mein fürhaben/die Ritterliche vnd Briegßübung/sampt derselbigen gemeinen Gewehr/Waaffen/Briegßzeug vnd Rüstung/inn massen dieselbig jetziger zeitt im gebrauch/zubeschreiben/allein der vrsachen wie hievor gemeldt/mir also darmit für den müßiggang etwas vbung vnd kurtzweil zumachen.

Damitt ich auch darneben ( im faal so sich gelegenheyt möcht zutragen ) solche ding inn meinem gemüt desten baß einbilden/vnd alsdann desten geschickter vnd taugenlicher dienen möcht/vnd etwann auch andern hierauf nutz vnd guts erschiesßen würd/acht ich das für eins ( dieweil alle ding wie gut vnd vnuerbesserlich sie sein möchten ) sich mit der zeitt ändern / vnd inn ander weg vnd gebrauch sich verwandeln / wie dann sonnderlich mitt der Ritterlichen zucht/vbung/gebrauch/wehr/waaffen vnd rüstung hievor offrt geschehen vnd noch mehr geschehen mag / das dann auch den nachkommen die jetzige zeitt/vnsid deren gebrauch inn waaffen/schriffelich hinder sich verlassen würde/Dennach will ich mich zu sollichem Memorial oder gedē

denckzettel nicht allein meiner eygen geschickligkeyt vnnnd erfahrung (deren leyder gar wenig ist) sonnder auch des hievor gemelten Vegetij/ auch anderer alter/ vnnnd die kurtzlich auch bey vnsern zeitten von diesen dingen geschriben/ gebrauchten/ vnd auß den allen zusamen flauben/ was ich gedenck/ so zu dieser sachen vnd meinem fürnemen dienstlich vnd nutz sein mag/ Vnd damit solche mein verzeichnuß in dest bessere ordnung gefaßt/ vnnnd desselbigen halben dest verständiget sein mög/ hab ichs in fünff theil begriffen vnd verfaßt/ als nemlich im ersten theyl wie hernach volgt.

Im aller ersten/ wölches billich den fürgang haben soll/ ist begriffen/ was ein jeder Herr oder Potentat/ der Krieg führen vnd fürnemen will/ anfangs soll erwägen/ bedencken vnd betrachten/ wie er mitt leuten/ gelt/ geschütz vnd Munition/ darauff sich dann ein Herr in ein Feldzug vnd Besatzung kan richten vnd rüsten/ vnd sich darauff im sahl der not verlassen vnd trösten/ gefaßt muß sein.

Im andern Theil ist verzeichnet/ was ein gantze Arckelley vnnnd Munition belangt vnnnd erfordert/ mitt sampt aller zugehörung/ an personen/ wägen/ pferden/ was zu dem allem gehört/ vnd wie es in Ordnung gehn vnd geführt werden sol.

Im dritten ist beschriben/ was zu einem Keyßigen Zeug gehört vnnnd erfordert wird/ mitt sampt jrer vnderhaltung/ ämptern vnd Beuelchen/ nach aller notturfft so ein Feldzug erbeyscht.

Im vierten ist ein außweisung geben/ was eins fußvolcks gantzer begriff vnd inhalt sey/ an allerley ämptern/ Beuelchen vnnnd Personen/ vom höchsten biß zum minsten/ mitt anzeygung was eines jeden Ampt vnnnd Pflicht sey.

Im fünfften vnd letzten/ was ein jede Belägerung vnd Besatzung erfordert/ an Personen/ gelt/ victuali oder Profande/ an geschütz/ Munition/ auch wie man sich anschleg/ list vnnnd geschickligkeit/ gegen vnd von den feinden gebrauchen vnd üben/ mit vielerley mitteln vnd wegen.

Sieweil nun jetz vorher begriffen vnd gemelt ist/ was dieses nachfolgenden Buchs gantzer inhalt/ laut vnnnd begriff sey/ so volgt doch nächst hernach ein Vorred/ gleichs lauts inn fünff theyl/ dermassen wie oben angezeygt/ darinn zuuernemen vnd zumercken/ die weil das Schwerdt dem Regiment als der Oberkeyt beuolhen ist zuführen vnnnd zugebrauchen/ So wil auch vonnöden sein/ von demselbigen ein kleine meldung zuthun/ wie/ vnd in wölcher massen das geführt werden sol/ vnnnd wie man dem auß Göttlichem beuelch sol nachkommen.

Vnd nemlich so wird im ersten hernach folgenden theyl angezeygt vnd gemelt/ wie das alle Vnderthanen auß Göttlichem Beuelch pflichtig vnd schuldig seyen/ ihrer Oberkeyt gehorsam vnnnd vnderthänig zusein in allen billichen sachen.

Im andern Theil wird angezeygt/ die weil die Oberkeyt das Schwerdt führen soll/ wölcher massen sie das gegen den Vnderthanen vnd armen führen/ sich befließen vnnnd gegen ihnen erzeygen vnnnd halten soll.

Im dritten wird bewisen vnd zum theyl beschriben/ wie die so im alten Testament gekriegt vnd gestritten/ das Schwerdt gebraucht vnd geführt haben.

Im vierden wird gemeldt/ ob man auch inn dem Newen Testament rechtmäßige vrsach zu kriegen vnd Kriegesleufften haben möge/ den zuführen vnd zugebrauchen/ nach gestalt vnnnd gelegenheit aller sachen.

Im fünfften vnnnd letzten Theyl wird gesagt vnnnd angezeygt/ wölcher massen etliche alte Christliche Keyser/ König/ Fürsten vnnnd Herren/ vmb Göttliche worts vnnnd wolfsart willen ihre leyb vnnnd gut dargestreckt vnnnd daran gewendt/ Dergleichen wie die Edlen

Römer vmb gemeynennutz willen/ ihr leyb vnd gut nicht gespart/ sonnder daran gewent/ wie dann nachuolgend vernommen soll werden.

Vorred